



INSURANCE AGENCY OF
BOSNIA AND HERZEGOVINA

Broj: 02-16-4-173-5/20

Sarajevo, 07.12.2020.

Na osnovu člana 17. Zakona o javnim nabavkama („Službeni glasnik BiH“, broj 39/14), člana 11. stav (4) Pravilnika o internim procedurama u postupcima javnih nabavki u Agenciji za osiguranje u Bosni i Hercegovini br. 02.3-02-2-62-1/17 od 23.03.2017.godine i člana 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06, od 12.10.2006. i br. 02.3-02-2-239-1/15 od 05.08.2015.godine, direktorica Agencije za osiguranje u Bosni i Hercegovini, donosi

O D L U K U

**o usvajanju Izmjena Plana nabavki za 2020. godinu
Agencije za osiguranje u Bosni i Hercegovini**

1. Usvajaju se Izmjene Plana nabavki za 2020.godinu Agencije za osiguranje u Bosni i Hercegovini.

2. Sastavni dio ove Odluke je tabelarni prikaz Izmjena Plana nabavki za 2020.godinu Agencije, koji sadrži podatke o predmetu nabavke, jedinstvenom rječniku javne nabavke, procijenjenoj vrijednosti nabavke, okvirnom terminu pokretanja postupka, odnosno zaključenja ugovora i izvoru finansiranja.

3. Odluka stupa na snagu danom donošenja.

Obrazloženje

Planom nabavki za 2020.godinu Agencije pod rednim brojem 1.1. planirana je nabavka kancelarijskog materijala, sitnog inventara i tonera, sa šiframa iz JRJN 30192000-1 i 30125120-8.

Zbog aktuelne pandemije virusa COVID-19 Agencija za osiguranje u Bosni i Hercegovini (u daljem tekstu: Agencija) ima potrebu da zbog učestvovanja zaposlenih na online sastancima i obukama umjesto tonera nabavi kompjuterski materijal, koji se u JRJN vodi pod šifrom 30200000-1 – kompjuterska oprema i potrepštine. Shodno navedenom, naziv nabavke pod rednim brojem 1.1. se mijenja u “kancelarijske potrepštine i kompjuterska oprema i potrepštine” koji se u JRJN vodi pod šiframa 30200000-1 i 30192000-1.

Osim toga, za nabavku kancelarijskog i kompjuterskog materijala u 2020.godini u Budžetu Agencije raspoloživa su budžetska sredstva u iznosu od 1.880,34 KM bez PDV-a. Do dana donošenja ove Odluke je u 2020.godini za nabavku kancelarijskog i kompjuterskog

materijala potrošeno 1.153,37 bez PDV-a, tako da je za predmetnu nabavku trenutno raspoloživo 726,97 KM bez PDV-a. Shodno tome, u četvrtoj koloni "procijenjena vrijednost" umjesto iznosa 1.880,34 KM stoji iznos 726,97 KM.

Planom nabavki za 2020.godinu Agencije pod rednim brojem 1.3. planirana je nabavka kompjuterske opreme (dva procesora), gdje je procijenjena vrijednost nabavke u iznosu od 1.709,40 KM bez PDV-a.

Istraživanjem tržišta Agencija je došla do saznanja da za nabavku dva kvalitetnija procesora (računara) planirani iznos od 1.709,40 KM bez PDV-a nije dovoljan. S tim u vezi, a obzirom da je tačkom 2. Odluke o usvajanju Plana nabavki za 2020.godinu utvrđeno da Agencija, kao ugovorni organ, zadržava pravo da u Planu nabavki za 2020.godinu, promijeni predmet nabavke, vrstu postupka, termin pokretanja postupka kao i procijenjenu vrijednost predmeta nabavke iz razloga utemeljenih na ekonomskim pokazateljima i opravdanim interesom za određenu nabavku, gdje je u navedenim slučajevima potrebno da ugovorni organ obezbijedi finansijska sredstva, Agencija je izmijenila Plan nabavki za 2020.godinu u smislu da se umjesto nabavke dva procesora, planira nabavka jednog procesora. Predmetna nabavka kompjuterske opreme korigovana je u skladu sa aktuelnim cijenama na tržištu i potrebama Agencije u smislu da se nabavi kvalitetnija kompjuterska oprema.

Planom nabavki za 2020. godinu Agencije pod rednim brojem 2.5. planirana je nabavka usluge održavanja službenog vozila sa šifrom iz JRJN 50112200-5. Odgovarajući naziv ove vrste nabavke je nabavka usluge popravaka i održavanja vozila sa šifrom iz JRJN 50112200-3. Do dana donošenja ove Odluke je u 2020. godini za usluge popravaka i održavanja vozila koje je pod garancijom do 17.12.2020. godine potrošeno 328,05 KM bez PDV-a, tako da je za predmetnu nabavku trenutno raspoloživo 1.210,41 bez PDV-a. Imajući u vidu navedeno pod rednim brojem 2.5. izmijenjene su kolone treća i četvrta, pa u trećoj koloni "šifra JRJN" umjesto šifre 50112200-5 stoji šifra 50112200-3, dok u četvrtoj koloni "procijenjena vrijednost" umjesto iznosa 1.538,46 KM stoji iznos 1.210,41 KM.

Planom nabavki za 2020.godinu Agencije planirano je pokretanje četiri postupka javnih nabavki u novembru 2020.godine. Zbog epidemiološke situacije u Agenciji u novembru 2020.godine, kao i zbog nemogućnosti da Safeta Sarač po ovlaštenju direktorice Agencije potpiše akte iz oblasti postupaka javnih nabavki iz razloga što je ista bila predsjedavajuća Komisije za nabavke, bilo je potrebno za tri postupka javne nabavke izmijeniti okvirni datum pokretanja postupka, i to za sljedeće nabavke: kancelarijskih potrepština i kompjuterske opreme i potrepština, kompjuterske opreme i nabavku usluge popravke i održavanja vozila. Shodno navedenom, novi okvirni datum pokretanja postupka za navedene nabavke je decembar 2020.godine

Imajući u vidu opisano činjenično stanje, odlučeno je kao u dispozitivu Odluke.

Dostaviti;

1. Odjeljenja AZOBiH
2. a/a



DIREKTORICA A

Emina Jahić